




Future-proofing our children

Sekolo sa Tshipi 2

Setlhogo

Mogopo wa dikgobe – Masego a ga
Isake

Mokaedi wa batsadi

Sekolo sa Tshini ithutelo laneng



Go Motsadi

O amogelesegile mo “**Mogopo wa dikgobe – Masego a ga Isake**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) <i>Ela tlhoko:</i> 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsewedisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kebelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.



3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlaloganye. Lebelela setshwantsho sa motshikinyego go re o tlaloganye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya sekolo sa Tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
1. Gololesega go tlhotlhomisa ka thuto e gore o nne le kitso e e oketsegileng



Thuto

Setlhogo	Mogopo wa dikgobe – Masego a ga Isake
Temana	Genesis 25: 21-34 and Genesis 27: 1-40
Maikaelelo a thuto	Bana ba ithute mosola wa masego a Modimo.

Tshoboko ya thuto:

- Isaac le mosadi wa gagwe Rebekah ba ne ba tlala ka boitumelo fa Modimo o ba segofatsa ka mawelana, Esau le Jacob.
- Basimane ba gola bas a Tshwane ka megopolo le dikakanyo, fa ba ntse ba gola dipharologanyo tsa bone tsa golela pele. Esau, e leng ene yo motona o ne a le mabowa mo diatleng e bile a goletse ko godimo, a rata naga le letsomo. Jacob, ene o ne a sala mo lapeng a tlhokometse diruiwa le lelapa.
- Isaac o ne a rata Esau e bile o ne a tsewa jaaka tlhogo ya lelwapa mme Jacob o ne a ratwa ke Rebekah.
- Tsatsi lengwe, Esau a bowa ko letsomong a tswerwe ke tlala e bile a lapile, a utlwa monko wa dikgobe o monate tse di apeilweng ke Jacob go nna dijo tsa selalelo. A kopa Jacob go mo fa mogopo wa dikgobe, mme Jacob a re: “Mma ke reke gompiono botsalwapele jwa gago.” Esau a tsaya e le motshameko mme a dumela.
- Dingwaga tse di latlelang, Isaac a fofala mme a palelwa ke go tlhokomela lelapa la gagwe. A bitsa Esau, ka e ne e le nako ya go mo fa masego a botsalwapele le boswa jwa gagwe - Rebekah a utlwa se.
- Fa Esau a santse a ile go tsoma a raya Jacob gore a apeye dijo tse di ratiwang ke Isaac gore a mo segofatse. Rebekah a raya Jacob gore a apare diaparo tsa ga Esau a bo a ikapesa letlalo la pudi mo molaleng le mo diatleng gore go nne mabowa jaaka Esau.
- Jacob, a isa mogopo wa dijo ko go Isaac, Isaac a mo segofatsa boemong jwa ga Esau.
- Morago fa Esau a bowa, Isaac a lemoga phoso ya gagwe mme Isaac le Esau ba gakgamala gore ba tsieditswe jaana.
- Esau a kopa rraagwe gore a mo segofatse le ene, mme Isaac a fetola a re: “ke segofaditse Jacob, monnao.”
- Esau o ne a ngalela Jacob go mo tsietsa gape.



Thuto e re ruta eng?

- Re ban aba Modimo mme o tla re segofatsa fa re mo kopa, ga a kgetholole.
- Masego ke sesupo sa gore Modimo o a re rata, ga a rekwe.
- Masego a tshwanetse badumedi botlhe ka Thapelo lo ka baruti ba bone, le fa seemo se ntse jang a re dumeleng mo Modimong gore masego a rona a gole.

Gakologelwang gore masego a Modimo a botlhokwa e bile a tshwanetse botlhe b aba a kopang ka tumelo.

Dipotso tse re ka di botsang:

1. O akanya jang ka Esau fa a rekisa botsalwa pele ga gagwe?
Karabo: O ne a akantse moputso wa nakwana wa go ja, e seng go latlhegelwa ke go ja boswa ga gagwe.
2. O ne a fiwa dijo dife?
Karabo: mogopo wa dikgobe
3. Esau le Jacob ba ne ba amogela eng mo go Isaac, rraabo?
Karabo: Jacob a amogela masego a botsalwa pele mme Esau a seka a fiwa sepe
2. O amogetse masego afe mo modimong?
Karabo: Mma ngwana a arabe

Thapelo ya ga mme le rre go e rapela pele ga thuto:

Modimo o rategang, ke lebogela letsasti le

Segofatsa batsadi le bana botlhe, Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha, Amen